

Oktober 2018

## ROEMENIË EN BULGARYE 16 – 30 Mei 2019 NADERE BESONDERHEDE

**TOERPRYS: R38 950 plus reisversekering, visums en ander \*verpligte uitgawes** van ongeveer R6 440 per persoon wat deel.

### INGESLUIT BY DIE TOERPRYS:

- Vliegkaartjie: Johannesburg – Amsterdam – Boedapest  
Sofia – Parys – Johannesburg
- Akkommodasie in goeie hotelle
- Vervoer per luukse bus vanaf Boedapest na Roemenië en Bulgarye
- Twee volledige maaltye per dag
- Alle ekskursies en toegangsgeld soos op toerprogram aangedui
- Heeltydse toerleier en gids(e) in Roemenië en Bulgarye

### UITGESLUIT BY DIE TOERPRYS (\*verpligte uitgawes)

- \*Footjies vir gidse, busbestuurders en hotelpersoneel: R1 440
- \*Lughawebelasting/brandstofheffing Air France: ± R5 000
- Visumkoste vir elke land: Ongeveer R1 300 per visum (U benodig minstens twee visums)
- Reisversekering, waarvoor u later volledige besonderhede sal kry
- Enkelkamer-bybetaling: R5 000
- Binnelandse aansluitingsvlugte na die O.R. Tambo-lughawe in Johannesburg
- Persoonlike uitgawes op die toer, bv drankies, telefoonoproepe, aandenkings ens

### DEPOSITO EN INSKRYWING

'n Deposito van R6 000 per persoon is met inskrywing betaalbaar. Volledige besonderhede ivm aankoop van vliegkaartjies, die uitneem van visums, versekering ens word vroegtydig per omsendbrief aan toerlede gestuur.

'n Tjek, uitgemaak aan **Christine van Wyk-Toere**, afskrif van 'n bankdepositostrokke\* of bewys van elektroniese oorbetalings (EFT) moet asseblief saam met die Inskrywings- en Vrywaringsvorme aan ons gestuur word.

**NB: GEBRUIK ASB U VOORLETTERS EN VAN AS VERWYSING WANNEER U IN- OF OORBETALINGS MAAK!**

*\*Voeg die ekstra heffing, soos deur u eie bank bepaal, by kontantbetalings.*

### BANKBESONDERHEDE:

**Standard Bank, Pretoria-Noord;**  
**Rekeningnommer: 410 722 782**  
**Takkode: 01-04-45 of 05-10-01**

**Die deposito verseker u plek op die toer.** Dit word onder andere aangewend om die vlugte se deposito's te betaal. Die deposito's word van u finale betaling op die toerprys, drie maande voor vertrek in 2019, afgetrek.

### KANSELLASIE VAN TOER, INDIEN VAN TOEPASSING

Wat die deposito van **R6 000** per persoon vir die toer betref: vir kansellasie tot **4 maande** voor vertrek van die toer, dws tot **16 Januarie 2019**, betaal ons **R5 500** van u deposito terug. Toerlede wat daarna tot **15 Februarie 2019** kanselleer, kry **R5 000** terug.

Sodra die nodige reisversekeringspolis wat vir kansellasiedekking voorsiening maak, uitgeneem is, kan u – indien u moet kanselleer – u geld vanaf die versekeringsmaatskappy terugeis, mits die rede vir kansellasie kragtens die polis aanvaarbaar is. Volledige besonderhede oor reisversekering word gestuur aan almal wat vir die toer inskryf.

Indien 'n toerlid **vanweë siekte** genoodsaak is om te kanselleer voor die finale toerprys betaal is, word die deposito minus **R500** administratiewe koste by voorlegging van 'n doktersertifikaat terugbetaal. In geval van kansellasie as gevolg van siekte ná **15 Februarie 2019**, geld dieselfde reël totdat u reisversekering uitgeneem is. Daarna sal **geen** deposito terugbetaal word nie.

Reisversekering is verpligtend. Toerlede het die keuse om versekering deur ons kantoor uit te neem of dit privaat te doen en dan afskrifte van die dokumente as bewys aan ons te verskaf.

#### **LET WEL:**

Ons kan ongelukkig vir niemand plek hou nie. 'n Inskrywing is eers geldig wanneer ons 'n **deposito tesame** met die **Inskrywingsvorm** en **getekende Vrywaring van elke toerlid** ontvang. Die Inskrywingsvorm moet volledig voltooi word **met u volle name en van** daarop aangedui.

Wanneer ons u Inskrywingsvorm en deposito ontvang, stuur ons aan u Omsendbrief 1 met al die besonderhede ivm klere wat u moet saamneem en ander relevante reisinligting. Daarna ontvang u gereeld nog omsendbriewe met nuus en verdere inligting. **Dui enige kontakbesonderhede (adres of telefoonnommers) wat verander, duidelik op u briefwisseling met ons aan.**

#### **BEREKENING VAN TOERPRYS**

Die toerprys is uitgewerk per persoon wat deel. Soos met enige ander toer is hierdie een ook onderhewig aan faktore buite ons beheer wat die toerprys en toerdatums mag beïnvloed.

Die toerprys bestaan hoofsaaklik uit die koste van die vliegkaartjies en landreëlings, dws busse, akkommodasie en uitstappies soos aangedui op die toerprogram. Landreëlings word in die betrokke land se geldeenheid gekwoteer en toerpryse is daarna aan wisselkoersveranderinge onderhewig.

Dit was nog altyd ons beleid om nie ligtelik 'n toerprys te verhoog nadat dit een maal vasgestel is nie. Ons is egter genoodsaak om die toerprys aan te pas as die wisselkoers teenoor die betrokke buitelandse valuta aansienlik sou verander.

#### **FINALE BETALING**

**Die volle toerprys plus alle ander geld (lughawebelasting, fooitjies, versekering ens) moet vóór 15 Februarie 2019 betaal word. Reël asb vroegetydig dat u geld beskikbaar is.**

**Slegs vliegkaartjies en lughawebelasting kan per kredietkaart betaal word** ná voltooiing van 'n vorm (Vliegkaartjiebestelvorm), wat ons aan u sal stuur. Die res van die toerprys word direk aan ons (Christine van Wyk-Toere) betaal – nie per kredietkaart nie, maar deur tjeks te pos of tjek-deponerings/internetoorplasinge te maak.

LW: Alle geld wat in banknote by die bank inbetaal word, moet die ekstra kontantinbetalingskoste insluit. Vra u bank hoeveel dit behoort.

#### **AGTERBLY NA AFLOOP VAN DIE TOER**

Indien u op u eie voor of ná afloop van die toer wil reis (met ander woorde van die bestaande toerprogram wil wegbreek), is dit moontlik. Air France hef 'n wegbrekersfooï van ongeveer R500 in so 'n geval.

#### **VLIEGKAARTJIES EN KONSESSIEHOUDERS**

Die groep reis met **KLM/AIR FRANCE**. Konsessiehouers of mense wat om een of ander rede 'n ander lugdiens as die groep gebruik, kan in Europa by die groep aansluit. U kan die vliegkaartjie se prys van **R4 637** van die toerprys aftrek. U kan moontlik die deposito wat ons op die vliegkaartjie betaal het, verbeur.

Vliegkaartjies word deur Benita Venter van Fernweh Travel uitgereik. Ons tref die reëlings daarvoor en sal die nodige inligting aan u deurgee.

#### **ENKELKAMERS**

Toerlede kan enkel-akkommodasie kry, mits hulle bereid is om 'n bedrag vir dié akkommodasie by te betaal. U spaar baie as u 'n kamermaat het – probeer gerus 'n kennis oorreed om saam te gaan. Ons probeer om vir enkelopendes geskikte kamermaats te vind, **maar staan onder geen verpligting om dit te doen nie.**

#### **PASPOORTE (DRINGEND!)**

**Maak seker dat u paspoort vir minstens 3 maande ná afloop van die toer nog geldig is.** Daar moet ook genoeg skoon bladsye in u paspoort wees vir die visums asook vir die doeanestempels wat u benodig.

**LW: Doen dadelik aansoek vir 'n nuwe paspoort indien dit verval het.**

#### **VISUMS**

U benodig minstens twee visums vir hierdie toer. Volledige inligting oor visums volg later in 'n omsendbrief.

**MINDERJARIGES**

**BELANGRIK: Minderjarige kinders wat saam met u reis,** benodig 'n "unabridged"-geboortesertifikaat, wat saam met hulle visumaansoeke ingedien moet word. U mag ook nie die land met minderjarige kinders verlaat sonder dié dokument in u besit nie. Hierdie sertifikaat verskil van die standaard geboortesertifikate wat deur Suid-Afrika se Departement van Binnelandse Sake uitgereik word – dit bevat die kind asook albei ouers se volle name en identiteitsnommers op één, amptelike dokument. Doen asseblief onmiddellik aansoek vir "unabridged"-geboortesertifikate vir elkeen van u minderjarige kinders wat saam met u gaan reis. Daar is privaat instansies wat dokumente vinniger by Binnelandse Sake kan kry, maar teen 'n stewige fooi. U kan in dié verband met ons kantoor skakel, indien van toepassing.

**BELANGRIK: TOERFIKSHEID**

Voornemende toerlede moet besef dat hulle deel vorm van 'n groep en dat hulle fisieke en emosionele omstandighede op geen manier die groep se belange mag benadeel nie. Mense wat byvoorbeeld moeilik beweeg, kan die groep vertraag. Toerlede kan nie verwag dat medetoerlede hulle moet help of bystaan nie.

'n Basiese riglyn vir toerfiksheid is dat 'n mens onafhanklik in-en-uit 'n toerbus moet kan klim, onafhanklik 'n stel trappe kan klim en ongeveer 1 km op jou eie moet kan stap.

Persone wat deurentyd hulp of bystand nodig het, MOET iemand saamneem wat na hulle kan omsien.